



Broj: 01-07-10-51-298/2024
Sarajevo, 27.12.2024. godine

Na osnovu člana 11. stav (5) Zakona o Visokom sudskom i tužilačkom vijeću Bosne i Hercegovine („Službeni glasnik BiH“, br. 25/04, 93/05, 48/07, 15/08, 63/23, 9/24 i 50/24) i člana 23. stav (8) i člana 26. stav (5) Zakona o slobodi pristupa informacijama na nivou institucija Bosne i Hercegovine („Službeni glasnik BiH“ broj 61/23), te člana 5. Pravilnika o postupanju po zahtjevu za pristup informacijama VSTV-a BiH br. 08-02-3075/2010 od 2.9.2010. godine, rješavajući po zahtjevu za pristup informacijama Amre Brka Vukelić, [REDACTED] (u daljem tekstu: podnositeljica zahtjeva), od 19.12.2024. godine, predsjednik Visokog sudskog i tužilačkog vijeća Bosne i Hercegovine donosi

ZAKLJUČAK

Zahtjev za pristup informacijama u odnosu na tražene informacije odbacuje se zbog neposjedovanja istih.

Obrazloženje

Podnositeljica zahtjeva je Visokom sudskom i tužilačkom vijeću Bosne i Hercegovine (u daljem tekstu: VSTV BiH/Vijeće) 19.12.2024. godine, uputila zahtjev za pristup informacijama kojim je tražena informacija da li je evidentirano korištenje elektronskih dokaza u parničnim postupcima u Bosni i Hercegovini, da li su takvi dokazi prihvaćeni od strane sudija u parničnim postupcima, da li je evidentirano korištenje elektronskih dokaza u postupcima naknade štete zbog klevete te, dodatno, ukoliko VSTV BiH ne raspolaže traženim podacima, traženi su brojevi sudskih odluka koji se tiču korištenja elektronskih dokaza u parničnim postupcima u Bosni i Hercegovini, radi pretrage putem Baze sudskih odluka VSTV-a BiH.

Razmatrajući zahtjev za pristup informacijama i sve relevantne činjenice u vezi sa ovim predmetom, konstatovano je da VSTV BiH nije vlasnik tražene informacije, a imajući u vidu nadležnosti institucije propisane u članu 17. Zakona o VSTV-u BiH, odnosno ne posjeduje informacije i ne može uz razumno uloženi trud utvrditi koja institucija BiH je vlasnik informacije, stoga je u skladu sa članom 23. stav (8) Zakona o slobodi pristupa informacijama na nivou institucija Bosne i Hercegovine („Službeni glasnik BiH“ 61/23; u daljem tekstu: Zakon), zaključeno da se zahtjev u ovom dijelu odbacuje zbog nenadležnosti.

Naime, VSTV BiH nema informacije o postupanju sudova sa navedenim dokazima, te dodatno u Bazi sudskih odluka nisu pronađene odluke sa terminima *elektronski dokazi i parnični postupak*, zbog čega ne može podnositeljicu zahtjeva uputiti na pretragu Baze, niti utvrditi koja od pravosudnih institucija u BiH ima traženu informaciju.

Imajući u vidu navedeno, odlučeno je kao u dispozitivu ovog zaključka.

Pouka o pravnom lijeku:

Protiv ovog zaključka podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositeljica žalbe ima pravo pokrenuti upravni spor pred Sudom Bosne i Hercegovine zbog šutnje administracije.

Dostavljeno:

- podnositeljici zahtjeva
- a/a

The image shows a circular official stamp of the Constitutional Court of Bosnia and Herzegovina. The text around the perimeter of the stamp reads "BOSNA I HERCEGOVINA" at the top and "USTAVNI SUD" at the bottom. In the center of the stamp, the words "MP" are printed. Overlaid on the right side of the stamp is a handwritten signature in black ink. To the right of the signature, the word "Predsjednik" is printed, and below it, the name "Halil Lagumdžija" is printed.

Predsjednik
Halil Lagumdžija